



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VI. Prospexit etiam dignitati Episcoporum, Legatis imperans uti easdem facultates & instructiones ostenderent Episcopis. Quo consilio id factum. Populo quoque Christiano ista significari jussit, ob ...

urn:nbn:de:hbz:466:1-15617

te, nimirum ut ad eum referenda essent ex omnibus provinciis causæ difficiles & ambiguæ, quæ provinciali non potuissent examine defini. Nam & in mandatis Episcopo Thessalonicensi datis, de quibus fuse actum est suprā, ei illi semper lex imposita erat, ut causas difficiles & ambiguas apostolicæ sedis judicio reservaret post examen provinciale. Nihil igitur heic novi statutum est à Nicola. At sequens clausula, ut adnotat illustrissimus Archiepiscopus, prorsus aboler auctoritatem synodorum, sive pro judicandis causis, sive etiam pro condendis canonibus. Nam jubet acta synodi ad se mitti, ut si invenerit causas secundum æquitatem definitas fuisse, Deo omnipotenti gratias referat; si vero in justè fuerit judicatum, restaurare jubeat cognitionem. Statiuit autem, inquit, ut cuncta que in eodem Concilio peracta fuerint ac diffinita, nostro presulatu gestorum serie incunctanter significetur; ut se ea iustitiae pulchritudine probabilique sanctione diffinita perspexerimus, Deo omnipotenti gratias referamus; si vero iniustitia, quod nolumus, & contrarietas fuerint acta intentione, earenovare sammopere jubeamus.

V. Attramen licet Nicolaus in se traxerit auctoritatem convocandorum Conciliorum generalium, retinuit tamen aliquam reverentiam erga Reges nostros. Colligitur istud ex epistola ejus ad Rodoaldum & Ioannem de synodo Metensi convocanda. Nam cum generalia mandata dedisset, specialēmque instructionem cum hac epistola mittere se significasset, jubet ut tam epistolas synodicas quam istas ipsūmque Commonitorium Regi Karolo præsentibus cunctis ostendant. Quod idem est ac si juberet ut Legati literas legationis sua sive facultates ac præterea secretas, ut hodie loquimur, instrunctiones cum Principe communicarent, ut præsentibus Consiliariis ejus examinentur, tum demum verò executioni mandentur delegataque sibi auctoritate Legati urantur si consensus Regis accesserit. Hæc sunt verba Nicolai: *Et deinde cum pro causa Balduini ad Carolum perrexeritis, eidem glorioſo Regi epistolas synodicas, & has quas nunc vobis dirigimus, pariter cum Commonitorio, præsentibus cunctis ostendite.*

VI. Non solum autem Principis dignitati prospexit, sed etiam Episcoporum; seu ut specie honoris eos in partes traheret, sive quia putabat non aliter cohædere posse concordiam quam si ista fierent cum eorum consensu, quod intelligeret vir prudentissimus auctoritatem quæ dabatur Legatis adimere suam Episcopis, id verò invitatis illis fieri non posse. Ea de causa addidit ista in eadem epistola: *& non solum ei, id est, Karolo, hæc quæ dicta sunt ostendite, sed & omnibus Episc-*

copis & universis fidelibus hoc notum facientes palam legere & denuntiare studete. Populo quoque Christiano ista significari jubet, ob necessitatē publicationis, ne quis ignorantia virtutis se tueri possit. Ea ratione Nicolaus Conciliorum provincialium auctoritatem infregit, & paulatim omnis auctoritas quæ penes Episcopos erat in jus ditionēmque Romani Pontificis transiit.

VII. Emerferunt deinde frequentes legationes, quas recensere supervacaneæ diligentiae fuerit. Itaque omissa ea cura, decurremus per illustriores sequentium seculorum eventus, simul admiraturi quorundam virtutes & summas animi dotes, & narraturi etiam inviti multorum probra atque dedecora.

C A P V T X L V I .

Synopsis.

I. Sub initia tertia Regum nostrorum dynastianova polius forma introducta est in detrimentum auctoritatis Metropolitanorum & Conciliorum, tum etiam dignitatis regie. Quispe omnes causa pendebant ab arbitrio Legatorum. Ad eos quoque perinebat convocatio Conciliorum generalium ex provinciis suis legationis, in quibus illi primum semper locum obtinebant. Legatus statim ac adveniens in provinciam, cogitabat de celebrando Concilio.

II. Magna autem erat Legatorum dignatio, quid in provinciis posset usurpare auctoritatem suspenenda & deponendi Episcopos. Unicum eorum suffragium equiparabatur collectis totius synodi suffragiis. Primam causarum cognitionem ad se trahebant. Canones sanciebant.

III. Eorum auctoritatis interdum porrigebatur in universum regnum, interdum verò in quasdam tantum provincias. Disputatio instituitur de terminis Aquitanie legationis, qua plurimum olim splendoris & auctoritatis habuit. Enumerantur provinciae quæ Legato Aquitanie parebant, in quibus fuit Britannia sub Archiepiscopo Dolensi.

IV. Probatur ex historia Pontificum & Comitum Engolismensem; & ex Bulla Paschalis II. de legatione Gerardii Episcopi Engolismensis, quæ refertur.

V. Disputatur an Gerardus ille legationem illam habuerit sub Gelasio secundo. Afferuntur argumenta in uirumque partem.

VI. Transgressus Gerardus in partes Callisti, legatione Aquitanica ab eo ornatus est. Refertur Bulla Callisti de ea legatione.

VII. Igitur legationis Aquitanica termini in Britanniam porrigebantur. Nam Britannia suum Archiepiscopum habuit alium à Turonensi etiam Adriani IV. pontificatu.

VIII. Enumerantur rursum provincia Aquitanica legatione conclusa; & ostenditur latius patuisse legationem Amasi Episcopi Oloronensis, cui prater eas provincias commissa est etiam provincia Narbonensis integra. Quid tum provincia Narbonensis finibus comprehendereatur.

IX. Cum Gregorius VII. primatum Lugdunensi Ecclesia concessisset super quasque provincias Lug-

Tom. II.

R ij